



Broj: JN1/03-50-5-6/25
Sarajevo, 15.04.2025. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 70. st. (1), (4) i (6) Zakona o javnim nabavkama («Službeni glasnik BiH», broj 39/14, 59/22 i 50/24), na preporuku Komisije za javne nabavke (u daljem tekstu: Komisija) broj: JN1/03-50-5-6/25 od 06.03.2025. godine, pomoćnik direktora za operacije Ivan Dunder na osnovu rješenja o ovlaštenju za potpisivanje pojedinačnih akata broj: DPA/03-07-5-34-2/25 od 08.04.2025. godine (u daljem tekstu: Ugovorni organ), donosi:

ODLUKU
o poništenju postupka javne nabavke osiguranja vozila

Član 1.

(Predmet odluke)

Prihvata se preporuka Komisije broj: JN1/03-50-5-6/25 od 06.03.2025. godine i poništava postupak javne nabavke usluge osiguranja četiri vozila s obzirom da su ponude prvorangiranih ponuđača identične, nakon provođenja e-aukcije.

Član 2.

(Objava odluke)

Ova Odluka objavit će se na web-stranici BHMAC-a, www.bhmac.org, shodno članu 70. stav (6) Zakona o javnim nabavkama.

Član 3.

(Stupanje na snagu)

Ova odluka stupa na snagu danom donošenja.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke broj: JN1/03-50-5-6/25 od 31.01.2025. godine.

Obavještenje o nabavci je objavljeno na Portalu javnih nabavki broj: 1407-1-2-3-3-27/25 od 06.03.2025. godine.

Rješenjem broj JN1/03-50-5-6/25 od 25.02.2025. godine imenovana je Komisija za nabavku usluge osiguranja vozila koja je provela predmetni postupak. Krajnji rok za dostavljanje ponuda je bio 03.03.2025. godine u 9:00 sati, a javno otvaranje ponuda je izvršeno istog dana u prostorijama Centra za uklanjanje mina u BiH, sa početkom u 9:30 sati što je konstatovano Zapisnikom sa otvaranja ponuda broj: JN1/03-50-5-6/25 od 03.03.2025. godine, a u istom je utvrđeno da su ponude prvorangiranih ponuđača identične i nakon provedene e-aukcije, te stoga nije moguće izvršiti odabir najpovoljnijeg ponuđača prema kriteriju najniža cijena

Nakon sačinjenog zapisnika o ocjeni ponuda, a prije davanja saglasnosti od strane direktora, BHMAC se obratio Agenciji za javne nabavke Bosne i Hercegovine broj: JN1/03-50-5-6/25 od 10.03.2025. godine zahtjevom za savjetodavno mišljenje. U mišljenju Agencije za javne nabavke, Filijala Banja Luka broj: 03-02-1-244-2/25 od 09.04.2025. godine je navedeno da u ovom slučaju kada dva ili više ponuđača ponude identičnu početnu cijenu ponude obavezno je zakazivanje e-aukcije. Ako se nakon e-aukcije desi da dva ili više ponuđača imaju identičnu početnu cijenu ponude, a istovremeno su prvorangirani, postupak se poništava s obzirom da nije moguće izvršiti izbor najpovoljnije ponude.

Imajući u vidu navedeno, Komisija daje preporuku broj: JN1/03-50-5-6/25 od 06.03.2025. godine direktoru da za predmetni postupak javne nabavke donese odluku o poništenju postupka javne nabavke.

Cijeneći navedeno činjenično stanje, komisija za provođenje predmetnog postupka javne nabavke je konstatovala da postoje uslovi za poništavanje postupka javne nabavke u skladu sa Zakonom o javnim nabavkama.

Komisija za javnu nabavku je direktoru dostavila Zapisnik o ocjeni ponuda broj: JN1/03-50-5-6/25 od 06.03.2025. godine s preporukom o poništenju postupka javne nabavke usluge osiguranja vozila.

Direktor u provedenom postupku ocjene ponuda nije našao nepravilnosti ni propuste u radu komisije, te je odluka o poništenju donesena u skladu sa Zakonom o javnim nabavkama i podzakonskim aktima.

Shodno navedenom, a u skladu sa članom 69. stav 1. tačka b) Zakona, odlučeno je kao u članu 1. ove Odluke.

POUKA O PRAVNOM LIJEKU:

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi u dovoljnom broju primjeraka, a koji ne može biti manji od tri.



ПО ОВЛАШТЕЊУ ДИРЕКТОРА
Помоћник директора за операције
Ivan Dunder